

覺既積急宜立功損已救物存道誦經從師
 敢懈日夜專心心身運役苦不辭勞避惡之
 勢驚若探湯就善之嫌如渴飲世塞則覺
 存獨立世通則永申博濟危不可扶道遷而
 去衷之在心念之无已衷可救者慈懇經營
 抑引取與欵張察時喜怒賞罰黜陟隨時運
 時有可否聖真有行藏自非至精莫能了此
 麓淺末學以偽稱真強小行大不識塞通亂
 不知避妄欲立功禍至不悟圖成反敗或有
 不悔持禍作福或有晚悔无所復追輪迴五
 苦良深可痛上學志士明加研詳化身化物
 必度才能无以蚊蚋負山不可敗後方悟大
 小各有妙力量力隨次修之皆從師訣不可
 任心心如猴猿又似燦火不可執制不可把
 持自非師君安能使正正又由己已半師半
 兩半為一乃得成真已无師有亦不能迴已
 有師无亦不能化化迴變易去故就新捨惡
 入善練偽成真真師之功真質之德功和合
 永與道同也
 凡志欲學道恥於師人竊盜經書買贖戒律

不解玄詰隨意行之或不從聖典率性為善
 善實善矣善實不充偏為小善不成大德魔
 來壞之遂陷邪黨與道永隔徒勞學名不得
 學實此又可悲如斯之流急宜改悔早覺可
 救晚則難成學者自省省己及人人雖難知
 知之以法法察與居觀其內外心身可解虛
 實可明除虛獎實功德有徵矣

洞真太上八素真經精耀三景妙訣

洞真太上八素真經修習功業妙訣 通二
 太極四真人請問太上大道君曰受法傳經
 言聞之矣修習階漸緣何始乎道君曰初學
 之傳奉經治寫別室几案晨夜香燈供養存
 神朝夕禮拜所受高上隨緣行之科法有異
 各在經中或應自口在乎其人受學不事朝
 禮即犯毀辱屢至功行不興必願成真勿忘
 朝禮因緣有礙日夕不恒良晨不虧自有感
 效重為子言之審付其人也真人稽首受命奉
 行凡習功業精尋經誥受持要戒誥誦在心
 存意解行之不疑不懈不退精進日新隨世
 教化依時行藏三洞諸經更互出沒順運濟
 急勿強違緣應用高低不可抑絕緣宜上下
 不可素指當須得中不可閉塞而強通通而
 苟塞上下及中顛倒違逆皆有災考不可不
 詳大運和時品依次弟不和之日各受少分
 深淺多少不得違階超越由緣慎勿乖運精
 心期真嚴持戒耳
 齋法有十戒
 一者不得食含血之物有生炁并薰辛之屬



正一天師清微弟子百堅製
 道教學術

0-0000 120

唯菜非向生之月得食之

二者平旦啜粥日中則食自是之後有甘肥美味一切不得復饗晝則燒香夜則然燈燒香不須更坐起卧息不雜法則

三者素寫因緣唯道是務

四者思經念誦洗心精進

五者慈孝一切愍念悲窮開示生道以勸愚民

六者悔謝罪過求乞生活

七者委捨榮華所寶在道

八者勞身苦體為道驅使

九者願除衆痛十苦八難免度厄世為太平

種民

十者尊道貴德心口相副洗心精進志求仙

傳承受經戒不敢虧違昇度之日與道合同

高上科曰監齋法師從齋之官誦經行道上

高座讀經一千言聽得一飲不在不誦之例

此一條出四極明科中篇

高上科曰夫受星宿正治及奉受三寶經法

洞真玄經之法拜署齋法之後悉應受法難

五戒而不受此五戒者不得奉回齋官續錄

之例并受真契三一真一以上又不受法難

五戒者不得列名上宮又不得表奏星宿大

章若未受而奏章仙都无名靈章不被奏御

所以爾者既无法執身不清廉是故不為奏

御又且星宿之官不受未戒不廉之師奏事

故有大小科戒之法明各依承凡齋有五種

之格如左

第一款急治病承用天師旨教法人三元方

謝乞生丐活自縛泥額塗炭之法並在首教

之中

第二款靈寶梵行集寶觀化修身種福之法其

中又有生死謝罪責已思愆之法

第三款上清仙隱為七世先亡遷昇之齋亦隨

月修真善行之法

第四款一守寂思神吞炁導引之齋

第五款一神丹宜祭爐火金液之法開房經

月之齋其別隨詩養神續命清詠長壽不在

五條之例

又道士祭酒男女官已奉受真契并受上清

三洞之經及星宿治法為道欲得標名玄都

奏御旨聞當受玄都法難五戒其戒文如左

第一之戒不得不敬於天不得謂天无神呼

地无鬼不得輕慢地祇山川大澤而穿鑿无

忌是謂天地无靈罪犯无畏又不得教令人

輕慢天地謂无神鬼

犯此一戒奪天算三百一犯此過減壽七

年格事七年責已思愆立功補過有殊於

先伏誓三通然後啟復先位計功績命道

不負人

第二戒不得教宮衆生採果破卵又不得教

令人殺宮衆生採果破卵

犯此一戒奪天算一百六十一犯此過減

壽五年格事五年責已思愆立功補過清

善至到有殊於先伏誓三通然後啟復先

位計功績命道不負人

第三戒不得行欺巧竊盜貪心恣惡規圖人

物奪人志願又不得教令人為巧竊貪圖人

物奪人所愛

犯此一戒奪天算一百二十一犯此過減

壽四年格事四年責已思愆積功補德有殊於

先然後伏誓三通啓復先位計功續命道不負人

第四戒不得飲酒外嫖略他婦女媼通不道因公行私又不得教令人飲酒歡妻略他子女媼通不道因公行私

犯此一戒奪天算一百二十一犯此過減壽四年格事四年思愆責已立功補過有殊於先然後伏誓三通啓復先位計功續命道不負人

第五戒不得詛佞嫉毒妬妬無道讒害善人。燒燒人舍又不得教令人詛佞嫉毒妬妬無道讒害善人。燒燒人舍破人門戶以報怨仇。犯此一戒奪天算一百二十一犯此過減壽三年格事三年責已思愆立功自補功德有殊於先然後伏誓三通啓復先位計功續命道不負人

其爲道士祭酒不受法戒不慎道行犯諸法禁拜表上章既自不聞至於救解往往無驗皆是爲道无有法執論遠酒肉之考不慎之至自從三聖昇化之後真科沉隱累遭天地

鄙烈法科零落舊章不存縱使祭酒未受法戒錄籍之上已爲總忌自頃常慎上章先後云云紛互天曹不覺驗效者甚多百中誤有一效皆是善民吉乞感徹丹善之至天帝直爲擁護開許所奏全在性命尔功不在奏章

祭酒而愚癡師輩或因承吉善之民感徹之心考此一效以爲己功便恐動百姓求欲非一不知吞藏之咎已被亂奏削其生名減其壽命不久奄而至以小愆目下未即考病便謂天地家廓无校小漏或中有小功申延其

考愆目轉多延不加小考者併其贓漏罪大在驅除之例爾必滅之後方付刀山劍樹之楚故不數加小考愚人不知謂爲罪不即被考病謂天地許之縱恣又云上天漫漫不簡小愆故无考咎大以專愚推之通日愆咎轉謂天地无神有戒之者專虛妄尔不知已在驅除之例奄至不期也天之昭昭其可欺也愚人无知謂道爲輕吾念之痛心明各詳慎爲善勿爲貪濁罪坐不輕也

高上科曰道士祭酒男女受真至法并受上

法寶經星宿正治位次真一以上并伏法受真好向之賢亦不可不參受法難五戒及因緣大戒既受至法不受此五戒名故不上仙都丹蘭墨錄玉曆元名三官白籍鬼名不除滅度之後故爲下鬼魂不得仙考對无已殃及子孫其道民別有精誠否泰之驗不在此條中紀在墨錄上篇後也

高上科曰夫學道宜精勤立功補過以贖先亡七祖罪謫并又爲家門及一身進上仙名去離十苦八難之中當受法難五戒立功建德求上名仙都玉曆削除三官白簿死籍汝

等爲道徒受大法內外真契積歷年載而行不合自然又不受法難五戒身犯酒肉貪穢道行无法故犯愆惡亡算滅命死爲下鬼不免刀山劍樹之楚塗酷之心爲之痛心痛心欲曹爲道明依法戒奉行三年不倦尅獲延年天算加益天曹一年三考墨錄計功益算紀司命奏上分別善惡即度功德著左契犯惡非度著右契事有炳然道不負人但人信真者少罪法犯戒者多故罹罪坐愆爾明

信真者少罪法犯戒者多故罹罪坐愆爾明

各慎之慎之為善

凡為道士祭酒男女官受其法請求仙度延續生命并行戒法立功補過醫治百姓表章旨御者當由修煉齋直奉受法戒不違科制舉向從願計功昇度得壽不替也

高上科曰其有出自貴分雖不受此戒之文用行已合自然不須復受科戒自古及今多有此人然今時百中獲有一耳不可准以為例要標其德行合科戒者自非抗志絕尚之人故須科戒成生道業如此不可不宣告戒制也

高上科曰凡欲學道求真於世立功建德紀名上天昇度仙官者當受法難五戒依法戒行通三年功立真名然後表上仙都紀在丹簡上請玉曆仙籍名立司命宣勅五嶽告下三官紀知真人削滅三官死籍白簿除去鬼名然後正可得為修學道士祭酒爾如此真名動在仙都所奏无不徹聞既不受戒又不精苦仙都无有功名表章奏悉備停奏是為通行无聞徒損民人敬向紙筆香油之費

更受吞藏酒肉之考魂神常被訟對凡向不利或有冒法未被考坐或是卷首三官未有死籍常見好事惡事未至者或是宿有冤對考官故迷其心罪并重論故不被小考近使賊滿併入驅除天終之也豈不痛哉痛哉始

學道士祭酒男女官汝曹欲修命清苦求真并制鬼治病立有驗效為百姓所崇當受法難五戒既受戒仙都便以紀名修勤三年不犯法目司命列奉上白天帝紀名玉曆使受真人之散號能制鬼治病无不明效如此之善可不修乎道士祭酒男女官欲修學制鬼治病當受太上中臺成生五戒既受此戒仙都正位丹簡有錄功勤三年標名上勒玉曆天帝曹即考技功勤勒山川五岳四瀆三官錄紀知汝曹精進積感之功名標玄都天神

玄都地祇所飲百鬼所伏救治表奏上達汝曹徒受中外大事真一之妙不受法難不慎五戒則仙都无位玉曆无名身受祭酒藏穢之罪五岳四瀆三官鬼神所不敬畏章奏覆檄不被呈御坐其好走里巷貪酒毀辱不知

改許違科犯忌司命隨事亂奏或奪壽算既為人師冒法小事不足數考蒙其知悔故并之重論令人愚癡謂為愆目下未病便言天地不知其罪又云无神不知陰考已奏既有寬對小事故不數奏者欲積其賊滿併在驅

除之例爾如此死名已定不復小考亦被大除天折當世不終三壽罪目兼重復加刀山火霍之楚死為下鬼長被痛毒當可言乎汝輩受真外欲立功救治欲練氣三元養神續命當訪求明師奉行法戒勿貪酒肉沉湎相逐不軌之事過無大小悉受亂奏唯晨夕齋

直積功補過仰希玄澤停年佳考爾如此延續性命還其年算與之更始功過相補細而不漏汝曹明各慎之慎之修練保得長在不朽高上科曰道士祭酒男女官汝欲修鍊太清神丹并練三元牝牡之術冥身山澤思仙養志者先受成生五戒又經七試九鍊惟性忍弱被人凌辱不以怨恥者又不以外想邪心靜神專一者又當忍受饑寒委辱不恚不墜者又當積勤立功廣大濟度厄急拔度死命受

更生之始者又當單食精苦陰德廣著天未報功不敢希望者動感威徹積勤之大身嬰困弊遠近無問不敢自憚者弘惠流布更被曲辱不以為害皆此智德大矣其德有五自非冥心篤好不能立此行也是故有五德之號其至甚重大矣哉

學道積年乃經十折九辱穢惡橫加猶懷慷慨忍弱之仁此為一智

強行廣博好尚內外導養三元五神不傷邁而不衰容色不悴是為有恒其為二智

尚修不退周流八方一清一沉一濁一浮勤功世間不紀不名積德不已敢以為勞其為三智

陰結藥氣含德養性展轉九年中至二十四年上至三十二年積苦切勤而橫被曲折終

念不計恬靖自居恒无功可紀更懷憂切其智四矣

為道既無世功相及少修師教伏勤師門而中遭禍構散蕩弊真經十折萬忍猶懷願願

不矧於口其智五也

高上科曰凡人學道守心貞一施行善篤終未感悟又經歷七試九折心无志退奉行五戒合於五智不違法戒不虧經教幽靜恬和行及無為久染風塵曲辱不計遭逢凶橫叩持乞過累遭輒軻不以為恙殊更施惠自幸

布乞於人恒懼失先功勤恐宿緣深重收致不利有此巍巍之德勲著曠大不名為勞清淨丹苦殊更堅恪懼墮淵谷不朝則夕如此

之智真為厚大德行如此正可以立道行行之五年恬然无欲可得投身林隱託命巖數

汝等求道修命延壽人間當先處曲室和神養志道練三元積勤專到上感靈真身被災

咎不求申論曲辱不利歡心願願不以為否行此五戒成生五智道行清潔剋功巍巍之

重未敢希報反更勇猛精進帝所未能相及其功既積何求不得何願不合何叩不聞何

志不成耶

高上科曰仙有九品術有三十六門又有百二十禁法皆延生之原要未有依科求志苦

到而不獲者乎但患人修學无勤思道不專

孰无恒无有同心志契者道安可修乎但聞

朝施暮望輕忽正教謂無靈威多有慳食嫌辱論逐酒肉之座无志精苦於玄元施為混

錯罪簪於天府魂思閉繫考於地獄未蒙判辨故宜深思自改勤施德專以求具明之

效有智之人聞而行之奉慎五戒不亦妙乎小齋法主人供一賢德一日一人長錢一百

米菜茶果蜜薑之屬中齋十食供一人一日長錢二百米菜香花燈燭茶果蜜薑之屬

右二件計人請齋官人率增之

又一條其因病祈請齋菜食如小齋之法靈寶延年齋十食隨主人供唯不得殺生犯

科爾上清轉經清寂山林長齋米菜服食菜食為

恒不在錢數之料右五等如品格

太一閉房舍丹藥百日大齋法不在錢限之例古者盟誓金絲之屬今以丹青四十足金環一雙代之也